

Oqaluuserisassanut nassuiaat.

(Inatsisartut Siulittaasuut)

Novembarip ulluisa 30-ata tungaanut Inatsisartunut ilaasortap Anders Olsen, Siumut, sulinnigiffeqarnerani sinniisussamik ataatsimiigiaqqusisoqarnissaa Siumumit kissaatigineqarsimavoq.

Qinigaanerup Misilinneqarnissaanut Ataatsimiititaliap Pitsi Høeghip qinigaasinnaanera akuerisimavaa.

Anders Olsen, Siumut, sulinnigiffeqarnerani sinniisussatut Pitsi Høeghip Inatsisartut ataatsimiinnerini peqataanissaata akuerineqarnissaa matumuuna Inatsisartunut inassutigaa.

Akerliusoqarnerluni.....

Pitsi Høegh, tikilluarit, Inatsisartuni inissannut ingissinnaanngorputit.

Inuussutissarsiornermut Aatsitassanullu Ataatsimiititaliaq qinnuteqarpoq oqaluuserisassani immikkoortup 184-ip aappassaaneerineqarnissaata oktobarip ulluisa 17-iannit novembarip ulluisa qulingiluaannut kinguartinneqarnissaanik.

Imm. 184-p qulequtaraa: Ilanngussaq A-mi saqqummiunneqartut aallaavigalugit Sanaartornermi ilinniartoqarneq pillugu Namminersorlutik Oqartussat nalunaarutaata nr. 10, 12. juli 2010-meersup nalimmassarneqarnissaanik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut.

Siulittaasoqarfiup aalajangerpaa oqaluuserisassani immikkoortut 121, 122 aamma 123 siullermeerneqarnissaat oktobarip ulluisa 16-ianniit oktobarip ulluisa 19-iannut kinguartinneqassasoq:

Immikkoortuni uku allanngortinneqarnissaat pineqarpoq

Imm. 121: Inatsisartut Suleriaasiat

Imm. 122: Naalakkersuinikkut sulinermut aningaasatigut tapiissuteqartarneq pillugu

Inatsisartut inatsisaat.

Imm. 123: Naalakkersuinikkut sulinermut aningaasatigut tapiissuteqartarneq pillugu

Inatsisartut inatsisaat.

Kultureqarnermut, Ilinniartitaanermut, Ilisimatusarnermut Ilageeqarnermullu

Ataatsimiititaliaq qinnuteqarpoq oqaluuserisassani immikkoortup 64-ip

aappassaaneerneqarnissaata kinguartinneqarnissaanik. Immikkoortup ulloq 6. november

aappassaaniigassanngortinneqarnissaa maanna siunnersuutigineqarpoq.

Imm. 64-ip qulequtaraa: Paasissutissanik piniarnermut atatillugu inatsisitigut

tungavissaqarnissaq qularnaarumallugu, takuuk ilanngussaq 1 formatimi

nassuiarneqareersumi, kingusinnerpaamik UPA2018-imi siunnersuummik

saqqummiusseqqullugit, Naalakkersuisut peqquneqarnissaannik Inatsisartut

aalajangiiffigisassaattut siunnersuut. Ilanngussaq 1-imi taaneqartut paasissutissat

eqqarsaatigalugit Naalakkersuisut peqquneqarput tamanit iserfigineqarsinnaasumik

nittartagalioqqullugit paasiuminartunik naatsorsoqqissaakkanik katersanik imalimmik, tassani

soqutiginnittut meeqqat atuarfiat pillugu paasissutissanik naapertuuttunik

aallarsinnaalersillugit. Naatsorsoqqissaakkanik katersivik suliarineqassaaq meeqqat atuarfii

ataasiakkaat naleqqiunneqarsinnaanngorlugit, imatulli sanallugu inunntut ataasiakkaanut

paasissutissat pissarsiariniarneqarsinnaajunnaarlugit.

Inatsisinut Ataatsimiititaliaq qinnuteqarpoq oqaluuserisassani immikkoortup 48-p

aappassaaneerneqarnissaata kinguartinneqarnissaanik. Immikkoortup ulloq 7. november

aappassaaniigassanngortinneqarnissaa maanna siunnersuutigineqarpoq.

Imm. 48-p qulequtaraa: 1. januar 2018-miit atuutilersumik inatsisinik nalunaarutit

atuutsinneqalernissaannut Naalakkersuisut peqquneqarnissaannik Inatsisartut

aalajangiiffigisassaattut siunnersuut.

Siunnersuuteqartoq qinnuteqarpoq oqaluuserisassani immikkoortup 70-ip UPA2018-imut

kinguartinneqarnissaanik.

Imm. 70-ip qulequtaraa: Inatsisartut aalajangiiffigisassaattut siunnersuut sermip erngullu avammut nioqqutiginiisaannut inatsisip allannguutissaanik Naalakkersuisut saqqummiusseqqulugit peqquneqarnissaannik, aatsitassat pillugit inatsisip § 17 imm. 2 ilusaanut assigusumik aaliangersakkamik ilanngusseqqullugit sinertaqartumik. Aaliangersakkap isumannaassavaa sermip erngullu avammut nioqqutiginerani Namminersorlutik Oqartussat suliffiutaasa suliffeqarfimmut piginneqataasinnaanissaa, piginneqataassutip 40 %-imik minnerpaaffilerlugu. Immikkoortoq UKA2017-imi oqaluuserisassanit peerneqarpoq.